

Zamjenik Visokog predstavnika i šef regionalnog ureda Ureda Visokog predstavnika (Jug) susreo se danas sa predsjednikom Vlade hercegovačko-neretvanskog kantona

Zamjenik Visokog predstavnika i voditelj regionalnog ureda Ureda Visokog predstavnika (Jug) Jean-Pierre Berçot susreo se danas sa gospodinom Omerom Macićem, predsjednikom Vlade hercegovačko-neretvanskog kantona. Nažalost, gospodin Miroslav Ćorić, podpredsjednik Vlade hercegovačko-neretvanskog kantona nije bio u mogućnosti prisustvovati sastanku, ali je upoznat o održavanju sastanka.

Zamjenik Visokog predstavnika informirao je gosp. Macića da su on i Ured Visokog predstavnika duboko razočarani radom predsjednika Vlade i njegovog zamjenika. On žali što ovi zvaničnici, unatoč njihovoj odgovornosti, nisu ispoštovali svoje vlastite riječi i obaveze. Njihova ustrajnost u igranju političkih igara umjesto rješavanja vitalnih pitanja u kantonu pokazuje nedostatak iskrenosti njih kao političara i dovodi u pitanje zavrjeđuju li oni da predstavljaju građane. Njihova pasivnost nema veze sa očuvanjem nacionalnih interesa nego samo sa političkim i ličnim kalkulacijama budući da su kanton koji propisno funkcionira i redovita isplata plaća u interesu svih.

Kao podsjetnik, ovi zvaničnici su odgovorni za odugovlačenje procesa ujedinjenja kantonalnih ministarstava. Ovo se događa

unatoč potpisima koje su stavili na vlastiti zajednički Akcioni plan u februaru 2002. Također, neodgovaran način kojim se rješavalo pitanje nedavnih ostavki samo je dodatno odgodio stvari. Kao dodatak tome, ignorirani su savjet i podrška međunarodne zajednice.

Zamjenik Visokog predstavnika Berçot prenio je da Ured Visokog predstavnika smatra ovakvo ponašanje sramotnim i neprihvatljivim. Ured Visokog predstavnika smatra pitanje ujedinjenja ministarstava vitalnim korakom prema rješavanju kontinuirane i duboko zabrinjavajuće finansijske krize u kantonu.